



Broj: 01/2-04-3387-4/2024
Breza, 29.01.2025. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javnu nabavku (broj: 02/1-2-11-3622-9/2024 od 28.01.2025. godine) u postupku javne nabavke radova: „Sanacija javnih cesta i ulica na području općine Breza“ za LOT 2: „Sanacija ulice „Nefići“ Mjesna zajednica Mahala“, Općinski načelnik d o n o s i

ODLUKU
o izboru najpovoljnijeg ponuđača
„Sanacija javnih cesta i ulica na području općine Breza“
za LOT 2: „Sanacija ulice „Nefići“ Mjesna zajednica Mahala“

Član 1.

Prihvata se Preporuka Komisije za javne nabavke (broj: 02/1-2-11-3622-9/2024 od 28.01.2025. godine) i Ugovor za javnu nabavku radova: „Sanacija javnih cesta i ulica na području općine Breza“ za **LOT 2: „Sanacija ulice „Nefići“ Mjesna zajednica Mahala“** dodjeljuje se izabranom ponuđaču „**ADO-TRANS“ d.o.o. Visoko**, za ponuđenu cijenu **od 27.500,00 KM bez PDV-a, odnosno 32.175,00 KM sa PDV-om** u skladu sa ponudom Ponuđača (broj: P-3/25-2 od 21.01.2025. godine) i Izvještajem o toku i završetku „e-aukcije“ (postupak broj: 726-1-3-60-3-65/24).

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom C)12. Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-3622/2024 i Odlukom o pokretanju postupka javne nabavke broj: 01/2-04-3387-1/2024 od 26.12.2024. godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke radova: LOT 2: „Sanacija ulice „Nefići“ Mjesna zajednica Mahala“, iznosi 52.564,10 KM, bez PDV-a.

Obavještenje o nabavci broj:726-1-3-60-3-65/24 objavljeno je na Portalu javnih nabavki dana 30.12.2024. godine i u „Službenom glasniku BiH“ broj:1/25 od 10.01.2025. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 22 (dvadesetdva) ponuđača.

Izveštaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem Općinskog načelnika broj:01/2-04-3387-2/2024 od 15.01.2025. godine.

Komisija za javnu nabavku dostavila je dana 28.01.2025. godine, Zapisnik o pregledu i ocjeni ponuda, broj: 02/1-2-11-3622-8/2024 i Preporuku o izboru najpovoljnijeg ponuđača, broj: 02/1-2-11-3622-9/2024 u postupku javne nabavke za LOT 2: „Sanacija ulice „Nefići“ Mjesna zajednica Mahala“.

Na javnom otvaranju ponuda nije bilo predstavnika ponuđača.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet)
- da je blagovremeno zaprimljeno 5 (pet) ponuda,
- da nije bilo neblagovremeno zaprimljenih ponuda,

- da su ponude ponuđača: „AME“ d.o.o. Breza, „NISKOGRADNJA DURMIĆ“ d.o.o. Ilijaš, „MUŠINBEGOVIĆ GRADNJA“ d.o.o. Visoko, „BILAL“ d.o.o. Sarajevo, Ilijaš i „ADO-TRANS“ d.o.o. Visoko, prihvatljive ponude.

Ponuđači su dostavili sljedeće cijene ponuda:

	Naziv / ime ponuđača	Ponuđena cijena bez PDV-a	PDV (17%)	Ponuđena cijena sa PDV-om
1.	„AME“ d.o.o. Breza	52.437,49	8.914,37	61.351,86
2.	„NISKOGRADNJA DURMIĆ“ d.o.o. Ilijaš	51.321,17	8.724,59	60.045,77
3.	„MUŠINBEGOVIĆ GRADNJA“ d.o.o. Visoko	52.537,99	8.931,46	61.469,45
4.	„BILAL“ d.o.o. Sarajevo, Ilijaš	52.541,20	8.932,00	61.473,20
5.	„ADO-TRANS“ d.o.o. Visoko	51.524,78	8.759,21	60.283,99

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz Tenderske dokumentacije, te kroz sistem „E-nabavke“ provela „e-aukciju“, u skladu sa Pravilnikom o uslovima i načinu korištenja e-aukcije od 21.07.2016. godine.

E-aukcija je održana dana 27.01.2025. godine u 11,30 sati.

Iz izvještaja o toku i završetku e-aukcije koji je kreiran 27.01.2025. godine u 12,01 sati je vidljiva:

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	„ADO-TRANS“ d.o.o. Visoko	4218192980003	27.500,00	46,63%**	1
2	„BILAL“ d.o.o. Sarajevo, Ilijaš	4201025600002	27.851,20	46,99%**	2
3	„NISKOGRADNJA DURMIĆ“ d.o.o. Ilijaš	4202041680004	28.400,00	44,66%**	3
4	„AME“ d.o.o. Breza	4218105170009	44.400,00	15,33%**	4
5	„MUŠINBEGOVIĆ GRADNJA“ d.o.o. Visoko	4218859910009	52.537,99	0%	5

**Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Predlagač: Služba za privredu, Salih Hasanspahić_____

Obrađivač: Jasmina Došlić_____

DOSTAVLJENO:

- 1x Svim ponuđačima koji su učestvovali u postupku JN
- 1x Služba za privredu
- 1x Služba za finansije, inspeksijske poslove i opću upravu
- 1x web stranica
- 1x Evidencija
- 1x a/a

OPĆINSKI NAČELNIK

Vedad Jusić